

Ulloq / Dato : 19. februar 2010

Brev nr. :

Journal nr. :

Sull. / Sagsbeh. :

Dir. tlf.:

Assartuussineq pillugu Isumalioqati-
giissitaq
PO Box 909
3900 Nuuk

Oqaaseqaatinut ilassutit – Ataatsimiititaliaaraq 2

Tunuliaqutaq

Namminersorlutik Oqartussat, Royal Arctic Line-ip (RAL) aamma Kommuneqarfik Sermersuup 2008-mi Nuup umiarsualiviani pisinnaasatigut ajornartorsiutinut tunngatillugu periarfissanik saqqummiinissaq pillugu suleqatigiinnissamut isumaqatigiissut atsiorpaat.

Taamaattumik ajornartorsiutit aaqqinniarlugit periarfissanik misissuinissaq pillugu illuatungeriit akunnerminni suleqatigiinnissamut isumaqatigiissusiaat atsiorneqarpoq.

Suliap killiffia

Misissueqqaarnerit peqqissaarussat tunngavigalugit illuatungeriit inerniliipput, Nuummi umiarsualiviup pioreersup allilernerqarnissaa misilinnagu, umiarsualivimmik nutaamik Qeqertakasinni sananikkut pisinnaasat annertusineqarnissaat naleqqunnerpaassasoq.

Suliassap sularineqarnera Namminersorlutik Oqartussanit, KS-imit aamma RAL-imit aallarnisarneqarpoq.

Suliap ingerlanerani Aalborg Havn (Aah) saqqummiivoq, suliarnut aktianik pisilluni aammalu akisussaaffeqarfiusumik taarsigassarsianik taarsigassarsititsilluni suleqataanissamut soqutiginnilluni.

Nuummi umiarsualivimmik nutaamik sananissamut pilersaarutip maanna killiffiani, umiarsualiviup pioreersup illoqarfiup ineriartortinneqarnerani atugassan-

Kommuneqarfik Sermersooq
Postboks 1005
3900 Nuuk
Grønland

GER-nr. 31290937
Bankkonto 6471-1000052
PBS-kreditor nr. 01938681

Tlf. 34 70 00
Fax 32 41 87

post@sermersooq.gl
www.sermersooq.gl

Ammasarfiit

Ataas. - pinga.	10 – 15
Sisamanngorneq	12 – 17
Tallimanngorneq	10 – 12

Åbningstider

Mandag - onsdag	10 – 15
Torsdag	12 – 17
Fredag	10 – 12

ngortinneqarnissaanut teknikkikkut misissuinerni suliniutit aalajangersimasut aallartinneqarsinnaalerput, aammalu suliassaq Namminersorlutik Oqartussani KS-imilu politikkikkut oqartussaasutut aalajangiisartunut saqqummiunneqarsinnaalerlutik.

Suliassami umiarsualivik 40.000 m²-nik angissusilik, maanna umiarsualivimmut taartissatut sananeqartussaq pineqarpoq.

Umiarsualivimmik nutaamik sananissamut aningaasartuutissat¹ katillugit 400,8 mio. koruunit aamma 554,6 mio. koruunit akornanni missiliorneqarput, tassani akiliussinissamut aningaasartuutissatut naatsorsuutigineqartut erniaqanngitsut 444,7 mio. koruuninut missiliorneqarlutik. Ingerlatsinermut aningaasartuutissat katillugit 10,7 mio. koruunit aamma 15,2 mio. koruunit akornanni missiliorneqarput, ingerlatsinermut aningaasartuutissat 12,7 mio. koruuninik amerlassuseqarnissaat naatsorsuutigineqarluni. Ingerlatsinermut aningaasartuutissat umiarsualivimmut pioreersumut umiarsualivittaassamullu tunngasuupput.

Sananermut aningaasartuutissat imatut aggorneqarnissaat illuatungeriit oqaloqatigiissutigaat:

- Namminersorlutik Oqartussat umiarsualiviup pioreersup nunataa aallarniutitut akiliutigissavaat. Aallarniutissaq, naliliinermut nalunaarusiami tamanna uppersarneqarsinnaappat, 40 mio. koruuninik nalilerneqarsinnaasoq illuatungeriit isumaqatigiissutigaat.
- Umiarsualivimmi ingerlatseqatigiiffiup pilersinneqarnerani KS-ip 40 mio. koruunit aningaasanngorlugit aktianik pisissutigissavai.
- Umiarsualivimmi ingerlatseqatigiiffiup pilersinneqarnerani RAL-ip 20 mio. koruunit aningaasanngorlugit aktianik pisissutigissavai.
- Umiarsualivimmi ingerlatseqatigiiffiup pilersinneqarnerani AaH-p 20 mio. koruunit aningaasanngorlugit aktianik pisissutigissavai, taakkulu saniatigut 20 mio. koruunit aningaasaliissutigissallugit (akisussaaffeqarfiusumik taarsigassarsiarititat).

Umiarsualiviup nutaap **ingerlanneqarnissaa** pillugu illuatungeriit imaattunik isumaliutersuuteqarput:

- Aningaasartuutissat allanit isertitanit matussuserneqarsinnaatinnagit. RAL-ip nunaminertamik atuinermut akitsuummut akiliineratigut ingerlatsinermut aningaasartuutissat, kiisalu sanaartornermut aningaasaliissutinut ernianullu akilersuinermut aningaasartuutissat pissarsiarineqartassapput. RAL-ip nunaminertamik atuinermut akitsuummut akiliutissai nassiussanut akinik qaffaanikkut matussuserneqassapput. Nassiussinermut akik qaffaatissaat, Kalaallit Nunaat tamakkerlugu qaffaanikkut nassiussanut agguarneqassapput.
- Umiarsualivik nutaap atorineqalerpat nunaminertamik atuinermut akitsuut atuutillsaaq. Umiarsualivimmi ingerlatseqatigiiffiup ukiumut ilivitsumut tulluuttumut missingersuutai tunngavigalugit nunaminertamik atuinermut akitsuut ukiumut ataasiarluni aalajangerneqartassaaq. Umiarsualivimmi ingerlatseqatigiiffik atasinnaasunngorlugu akitsuut aalajangerneqartassaaq, kisiannili umiarsualivimmi ingerlatseqatigiiffiup sinneqartooruteqartarnissaa siunertarineqassanngilaq.

¹ 2008-mi naatsorsugaapput, taamaattumillu allanngorsinnaanissaat piareersimaffigineqartariaqarpoq.

Namminersorlutik oqartussat, KS-ip, AaH-p aamma RAL-ip piginneqatigiiffimmik nutaamik, ”Umiarsualivimmi ingerlatseqatigiiffimmik”, umiarsualiviup pioreersup pigineqarneranik tiguisussamik, aammalu umiarsualivimmik nutaamik piginnittussamik pilersitsinissaat illuatungeriinnit oqaluuserineqarpoq. Umiarsualivimmi ingerlatseqatigiiffiup umiarsualivimmi nunaminertarpiani piginnittuuneq kisiat tigussavai, umiarsualivimmi pioreersumi RAL-ip illuutai pinnagit.

Umiarsualiviup pioreersup siunissami atorineqarnissaa.

Umiarsualivimmi pioreersumi nunaminertaq 20.000 m²-t missaannik annertussuseqartoq umiarsualivimmi ingerlatseqatigiiffiup isertitaqarnissaa siunertarlugu illoqarfimmik ineriartortitsinermi siunertanut atorineqassaaq, umiarsualiviullu sinnera ilaatigut umiarsuarnut sinersorlutik takornariartitsisartunut atorineqassalluni.

Namminersorlutik Oqartussat KS-ilu tamarmik umiarsualivimmi pioreersumi pilersaarutitut tunngaviusut allanngortinnissaannut, taamaalillunilu nunaminertap taassuma illoqarfiup ineriartortinneqarneranut atorineqarsinnaasunngorlugu najugaqarfissanik, naleqqutissappallu inuussutissarsiorfissanik illuliortiterfigineqarnissaanut piareersimapput.

Umiarsualivimmi piginneqatigiiffiup illoqarfiup ineriartortinneqarnerani isertitassai, sanaartornissamut ingerlatsinissamullu aningaasartuutissatut missiliukkanut ilaatinneqanngillat. Iseritassat umiarsualivimmi piginneqatigiiffiup missingersuutaanut ilanngunneqassapput, taamaalillunilu RAL-ip nunaminertamik atuinnermi akitsuummut akiligassaanut sunniuteqassallutik.

Erseqqissaatigineqassaaq, illuatungeriit isumaliutersuutaat politikkikkut akuerineqanngimmat, aammalu ingerlatseqatigiiffiup ilusissaa siunnersuutigineqartoq atorlugu nutaamik umiarsualiviliortoqassappat, pisortani oqartussaanut illuatungiliuttullu allat siulersuisuini suliaassani assingusuni politikkikkut akuersisoqarnissaa piumasarineqarmat.

Sulineq siumut sammitinneqartoq

Suliaassaq pillugu nalornissuteqartoqassappat RAL, Aalborg Havn aamma Kommuneqarfik Sermersooq ikiunnissamut piareersimapput, aammalu suliaassaq nassiussanik assartuineq, ilaasut angallanneqarnerat aammalu umiarsualiviup ilusiligaanera eqqarsaatigalugit periarfissanik sunik pilersitsissanersooq pillugu paasisassanik tamakkiisunik pissarsinissamut ikiuukkusuttorujussuullutik.

Inussiarnersumik inuulluaqqusilluta

Royal Arctic Line

Aalborg Havn

Kommuneqarfik Sermersooq